

॥ दोहा ॥

सुमिर चित्रगुप्त ईश को, सतत नवाऊ शीश।
ब्रह्मा विष्णु महेश सह, रिनिहा भए जगदीश ॥

करो कृपा करिवर वदन, जो सरशुती सहाय।
चित्रगुप्त जस विमलयश, वंदन गुरूपद लाय ॥

॥ चौपाई ॥

जय चित्रगुप्त ज्ञान रत्नाकर । जय यमेश दिगंत उजागर ॥1॥
अज सहाय अवतरेउ गुसाई । कीन्हेउ काज ब्रम्ह कीनाई ॥2॥
श्रृष्टि सृजनहित अजमन जांचा । भांति-भांति के जीवन राचा ॥3॥
अज की रचना मानव संदर । मानव मति अज होइ निरूत्तर ॥4॥
भए प्रकट चित्रगुप्त सहाई । धर्माधर्म गुण ज्ञान कराई ॥5॥
राचेउ धरम धरम जग मांही । धर्म अवतार लेत तुम पांही ॥6॥
अहम विवेकइ तुमहि विधाता । निज सत्ता पा करहिं कुघाता ॥7॥
श्रृष्टि संतुलन के तुम स्वामी । त्रय देवन कर शक्ति समानी ॥8॥
पाप मृत्यु जग में तुम लाए । भयका भूत सकल जग छाए ॥9॥
महाकाल के तुम हो साक्षी । ब्रम्हउ मरन न जान मीनाक्षी ॥10॥
धर्म कृष्ण तुम जग उपजायो । कर्म क्षेत्र गुण ज्ञान करायो ॥11॥
राम धर्म हित जग पगु धारे । मानवगुण सदगुण अति प्यारे ॥12॥
विष्णु चक्र पर तुमहि विराजें । पालन धर्म करम शुचि साजे ॥13॥
महादेव के तुम त्रय लोचन । प्रेरकशिव अस ताण्डव नर्तन ॥14॥
सावित्री पर कृपा निराली । विद्यानिधि माँं सब जग आली ॥15॥
रमा भाल पर कर अति दाया । श्रीनिधि अगम अकूत अगाया ॥16॥
ऊमा विच शक्ति शुचि राच्यो । जाकेबिन शिव शव जग बाच्यो ॥17॥
गुरू बृहस्पति सुर पति नाथा । जाके कर्म गहइ तव हाथा ॥18॥
रावण कंस सकल मतवारे । तव प्रताप सब सरग सिधारे ॥19॥
प्रथम् पूज्य गणपति महदेवा । सोउ करत तुम्हारी सेवा ॥20॥
रिद्धि सिद्धि पाय द्वैनारी । विघ्न हरण शुभ काज संवारी ॥21॥

व्यास चहइ रच वेद पुराना । गणपति लिपिबध हितमन ठाना ॥22॥
पोथी मसि शुचि लेखनी दीन्हा । असवर देय जगत कृत कीन्हा ॥23॥
लेखनि मसि सह कागद कोरा । तव प्रताप अजु जगत मझोरा ॥24॥
विद्या विनय पराक्रम भारी । तुम आधार जगत आभारी ॥25॥
द्वादस पूत जगत अस लाए । राशी चक्र आधार सुहाए ॥26॥
जस पूता तस राशि रचाना । ज्योतिष केतुम जनक महाना ॥27॥
तिथी लगन होरा दिग्दर्शन । चारि अष्ट चित्रांश सुदर्शन ॥28॥
राशी नखत जो जातक धारे । धरम करम फल तुमहि अधारे ॥29॥
राम कृष्ण गुरूवर गृह जाई । प्रथम गुरू महिमा गुण गाई ॥30॥
श्री गणेश तव बंदन कीना । कर्म अकर्म तुमहि आधीना ॥31॥
देववृत जप तप वृत कीन्हा । इच्छा मृत्यु परम वर दीन्हा ॥32॥
धर्महीन सौदास कुराजा । तप तुम्हार बैकुण्ठ विराजा ॥33॥
हरि पद दीन्ह धर्म हरि नामा । कायथ परिजन परम पितामा ॥34॥
शुर शयशमा बन जामाता । क्षत्रिय विप्र सकल आदाता ॥35॥
जय जय चित्रगुप्त गुसाई । गुरूवर गुरू पद पाय सहाई ॥36॥
जो शत पाठ करइ चालीसा । जन्ममरण दुःख कटइ कलेसा ॥37॥
विनय करै कुलदीप शवेशा । राख पिता सम नेह हमेशा ॥38॥

॥ दोहा ॥

ज्ञान कलम, मसि सरस्वती, अंबर है मसिपात्र।
कालचक्र की पुस्तिका, सदा रखे दंडास्त।

पाप पुन्य लेखा करन, धार्यो चित्र स्वरूप।
श्रृष्टिसंतुलन स्वामीसदा, सरग नरक कर भूप।

॥ इति श्री चित्रगुप्त चालीसा समाप्त ॥